



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

10. Quodnam sit inter Fortunam, & Casum discrimen?

**urn:nbn:de:hbz:466:1-45653**

idque ob duas caussas, primò; quia, ex intentione thesauri reperiendi, iussit Paulum effodere terram; secundò, quia per se, mediante Petro infodiente, & Paulo effodiente, ad inventionem thesauri concurrit. Quod sanè Deus, in omni *Casu* facit. Vnde, tametsi multa contingent *casu*, & *fortuitò*, ratione agentium creatorum, secundarumque caussarum, nihil tamen contingit *casu*, ratione Dei; qui multas rationes habet, cur illas caussas *per accidens* vel concurrere sinat, vel ipse coniungat. Atq; hic concursus, seu ista caussarum complexio, vna cum caussa summa illas connectente,

Boët. I.5, de  
consolat.  
prosl. 6.

atque ordinante, *Fatum* dicitur, quod Boëtius definit: *inherenter rebus mobilibus immobilem dispositionem*, per quam diuina Prouidentia suis quæq; neccit ordinibus. Diuina, inquam, Prouidentia, nō cælum, quod quidam putant esse caussam per se connectentem alias caussas inferiores'.

## X.

Sic explicata *Fortuna* & *Casus* naturâ, duo obseruo, primum est, ab Aristotele aliisque compluribus, ipsam fissionem, qua thesaurus obruitur, vel eruitur, *Fortunam*, aut *Casum* nominari; vnde etiam *Fortunam* & *Casum* ad caussam efficientem, licet *per accidens*, & præter intentionem utriusque fodientis, reuocat: ab alijs autem ipsum euentum, seu inventionem thesauri *Fortunam*, aut *Casum* nominari. Quod parum interest, cum ipsa etiam inuentio, sit quædam effectio, seu caussa, ob quam thesaurus habetur, & non raro effectus à caussa denominatur. Alterum est, ferè idem esse *Casum* atque *Fortunam*, nisi quòd hæc presiūs, in ijs duntaxat posita sit, quæ ex proposito & consulto, seu propter finem, ex electione geruntur; *Casus* autem magis latè patens, sit caussa *per accidens* etiam in illis, quæ alicuius gratia quidé, & propter finem, sed siue cum, siue sine electione fiunt. Hinc lapides, è quibus Deorum altaria constarent, non, nisi similitudine quædam, Proctarchus fortunatos vocavit.

## XI.

Qui hæc fundamenta penetrat, facile vitat errorem Ethnorum, & magna luce perfusus multas à se propellit animi perturbationes. Tamen si enim, non raro, horrendi quidam Casus, præter mentem voluntatēmque hominum, aut secundæ alicuius caussæ ingenium, accidunt; non accident tamen præter voluntatem Dei, qui est caussa prima, liberè, prouide & creaturarum naturis congruè mouens & inter se connectens caussas secundas. Itaque mortalibus aliquid fortuitò contingit, quia ignorant dñi.

næ pro-